

B  
621

20 h





**Wie eyn Christliche  
Frau des adels**

in Baiern durch ihren/in Got-  
licher schrifft/wolgegrundten  
Sendebrieffe/die hohenschull  
zu Ingoldstat/umb das sie  
einen Euangelischen Jüng-  
ling/zu widersprechung  
des wort gotes/be-  
trange haben/  
straffet.

**M. D. xxiii.**

## Vorrede.

**D**ie Kunder. es ist zeitt vom  
ichlass auffzustehē. Wan vnser heyligē ne-  
her / wider wir glauben. Darumb / O Christ-  
licher leser / vñ auch ihz verblenten / blinden /  
wüttende Pharisier / die ihz alwegen dem heyligē gaist  
wyderstanden habt / wolt ihz den Worten Christi nicht  
glauben / so glaubt doch dē wercken / die er da durch thut  
Legt ab den decksal euer grossen hoffart / geytz vñ fleys-  
schliche wollust. Mercket vñ greysset / wie genediglich /  
vatterlich / manigseltig vñ wunderberlich Christi vnser  
seligmacher / in diesen letzte tagē ( als im anfangt seyner  
Kirchē auch geschach ) vns nicht allei durch gelerte der  
schrifft / sunder auch durch āder vil junger vñ alter / mā-  
neß vñ weibs bilder grossen bestendigkēyt / peyn marter  
vñ tod / zu seinem gotliche seligmachentē wort löcket vñ  
stercket / vñ die vnuolger desselben so schentlich / entlich  
schendet / Damit euer hertzē nicht als Pharaonis ( Exo.  
am 4. ) verstockt vñ verhertet bleibe. So ir doch nichts  
gewissers spüret / dan so die Kinder ( Luce. 19. ) schwis-  
gen / dz die steyn reden wordē. Vñ ( Johel am 2. ) nach  
dieser zeitt / wurd ich gysen meinē Geyst auff alles fleys-  
sch / vñ werdē propheceyē oder worsagen euer Sūne / vñ  
dōchter / Auch euer knecht vñ meyde / vñ ich wurd wun-  
der wurcken ym hymel / vñ auff erdē / ehe der gross vnd  
erschre. Fenlich tag gottes kumbt. Welcher spruch yetzo  
mancherley weysß / vnd sunderlich yz in gemelten weib  
offenlich erscheynet / dieweill auß ihren nach geschriben  
Sendtbrieff fundē wirt / das sie darynnē die schrifftge-  
lerten der Hohenschul zu Ingolstadt ( als Judith am 8.  
die irrenden Priester ) mit vil eingefürten vnüberwind-  
lichen Gotlichen schriefften / von wegen ihrer vnuolgun

des heyligen Euangeliums/mehr weder glauplich (vñ  
vormals von weiplichem geschlecht dergleichen gar we  
nig/vnd bey vnsern zeytten nie gehört) straffet/erma  
net vnd vnderweyset. Vnd das noch meher ist/sich inn  
gemeltē ihrem sendtbrieff erbent/derhalb fur gedachte  
schriffgelerete zuerhöri zuhören. Darauß zu verstehen  
ist/das sie solch ihz gethanes schreyben nicht durch ano  
derer vnderweysung/sund allein vom geist Gottes hatt.  
Sie lest sich auch vil neulicher exēpell greuslicher straff  
(wider ertliche verfechter des Gottlichen wortē ges  
braucht) an solchem ihrem Chriftlichen werck nicht ver  
hindern/sunder sich/gleich der heyligen Hester/umb  
heilē willen des volcks (Hester am 4. dem tode vnd d  
verderbung ergeben hat. Vñ will mit der heyligen Sus  
sanna (Danielis am 13.) lieber on werck in die hendt d  
menschen fallen/dann mit verschweigung der warheyt  
vor Gott sundigen. Darumb wir/von wegen siglicher  
überwindung der aller hochfertigstenn grostenn feindt  
Christi (als Judith am 9.) zu Got betten vñ spreche  
enn mogenn/Obher es wirt einn grosse gedechtnus  
deines namē/si ihne die handt des weybs über  
windet. Vnd sollen billich mit dem heyligen  
Zacharia in Got iubiliren vñ singen. Ges  
benedeyt sey der herz Got Israhel/d  
heimsuchung vñ erlosung gethan  
hatt seinem volck.

¶ Nun volgt hernach der Chriftlich  
sendtbrieff obgedachts weyß/der  
namen bey endt desselben  
fundenn wirt.

24

# **A** Er her: saget Johā am xij.

Ich liecht kom in die welt/das ein yeglicher  
der in mich glaubt/nicht bleibt in der finsternus.  
Welchs lycht ich hertzlich wunsch vns  
allen bey zuwonen/vnd zuerleuchten alle erstockte vnd  
erplinte hertze/amen. Ich finde einen spruch Mat. 10.  
also lautend. Wer mich bekent vor den menschen/den  
beken ich auch vor meinem himlischen Vater. vñ Luce.  
9. Wer sich mein schembt vñ meiner wort/des werd ich  
mich auch schemē so ich kom in meiner Maie. 2c. Solche  
wort von got selbes geredt/seind mir allezeit vor meinē  
augen/dan es werden wider fraxe/noch man/dorinnen  
aufgeschlossen/Auß dysen werde ich/als ein Christ ge  
drungen euch zu schreyben/Dann Ezechiel 33. Sichstu  
sunden deinen bruder/so straff ihn/oder wil sein blutt er  
fordern von deinen henden. Mat. 12. saget der her:/all  
sund werden vergeben/aber die sund wider den heyligē  
Geyst werden nicht vergeben/wy derhie noch dort. Vñ  
Johannis. 6. sagt der her:/Meine wort sein geyst vñnd  
leben 2c. Ach gott wie werdt ih: bestehē mit euehr Ho  
hen schul/das ir so toret vñ geweltigliche handelt/wy  
der das wort gottes/vñ mit gewalt zwingt das heylig  
Euangelium in der handt zu haltenn/dasselbig dar zu  
zuerlaugē/als ir dan mit Arsacius sehofer gethan habt  
vnd ihm ein solchen ayd vnd verschreibung surgehaltē/  
mit gefengknus/vñ tröung des fewis/darzu gezwügē/  
Christum vñnd seines worts zuuerlaugnen. Ja so ichs  
betracht/so erzittert mein hertz/vnd alle meine glider.  
Was lernt dich Luther/oder Melanchton anderst/dan  
das wort gottes? Ir verdampft sie vnüberwunden/hat  
euch das Christus gelert/oder sein Apostel/Propheten/  
oder Euangelistenn/zayget mir wo es stehet? ih: hohenn  
mayster/ich finde es an keinem ort der Bibel/dz Christ

7  
noch sein Apostel/oder Propheten gekerckert/gebrent/  
noch gemordet haben/oder dz landt verbotten ic. Wist  
ihz nicht das der herz sagt. Mathei 10. Nicht furcht de/  
der euch den leib nimpt/vnnd dan nicht niher vermag.  
Aber den solt ir forchten/der macht hat sele vnd leib zu  
versencken in die hell Mann weis wol/wie ferz mann  
der obritheit gehorsam sein sol. Aber über dz wort gottes  
habē sie nicht zu gebietē/wed Babst/Kayser noch Fur-  
sten/als Actū 4. vñ 5. Ich bekē aber bey gott/vnnd  
meiner selen seligk eyt/wo ich Luthers/vñ Melanchto-  
nis schrifft verlaugnet/das ich gottes vñ seynes wortes  
verlaugnet/dauor got ewig sey Amen. ¶ Habt ihr nicht  
gelesen Hieremie am ersten/da d herz sagt zu ym/Was  
sichst du? sagt er/ Ich sich einn wachende ruet. sagt der  
herz/Du hast recht gesehen/ich wach allezeit über meyn  
wort/das ich es tuhe. Fraget er ihn zum andern/Was  
sichstu aber mer? Ich sich einen bunnēden hassen/vnnd  
das antliz gehet von mitternacht/sagt d herz/Du hast  
recht gesehen/dan von mitternacht wirtt eroffnet alles  
übel/allen einwonern der erden/d hassen bunt/ir werd  
in warlich mit euer hohē schul nicht erleschē/des Bapst  
Decretal/noch Aristoteles/der nye keyn Christ worden  
ist/vermogens mit sampt euch nicht. Das ir vermeint/  
Got sein Prophetē vñ Apostell vom hymel zustrassen/vñ  
auff der welt zutreybenn/es geschicht nicht. Bitt euch  
mein liben herren/in lenger beleiben zulassen/setz kein  
zweyffell dareyn/Gott werde sein heiligs gebenedeites  
wort wol erhalten/Als er dan bis her nach anzaygt als  
vñ newes Testamētes gethan hat/noch thut/vñ hinfur  
thun wirt. Got wirt euch begegē wie d Prophet Osee  
sagt 13. Sie hubē auff ire hertz/vñ vergassen mein/ Ich  
würde in als ein Lewin an dem weg/Dñ will ihn bege-  
gen/als ein Berin der ihre junge gesucht seind. Vñ Osee  
am 6. Ich erschlug sie in den Worten meynes mundes/

Wie euch/ das ir habt gemacht dē Rath/vñ nicht auß  
mir. Iſaie am 30. vñ Ezechiel am 13. Wee dē vnweiſen  
weiſſagē/die da nochſolgē irem gaift/Sie ſehen die vn-  
nütze ding/vñ lernen die lügē/vñ ſprechen. Der herz ſa-  
get es/ſo ichs nicht hab geredt/noch ſie geſendt. Vmb  
ein handtuol gerſten/vñ ſtück brot erſchlagē ſie die ſeel/  
die da nicht ſterben/vñ ſagen lebendig ir ſcel/die da nit  
leben/Vñ liegen vor meinem volck/die lügen zu glaubē.  
Was ſagt Got meer Ezechiel am 33. Die droüg des her-  
ren war im als ein ſueß geſang d Musica/bis die ſtraff  
kumpt/dan ſo wiſſenn ſie/dz ein Prophet vnder ihn ge-  
weſen iſt. Vñ Hiere. am 48. Got wurd in zu einem ge-  
ſpot/als hetten ſie in funden vnder den diebē. Der geiz  
hat euch beſeſſen/ir mochtet ſunſt gotes wort ſas leydē/  
gieng euch nicht ab/an vertruckung des Decretes? Das  
Euāgeliiū tregt nicht ſowil pfenning in ſeinen rathſchles-  
gen. Ich hab geſehē/dz mein Herz vater ſeliger zwain-  
zig guldē vmb vier zeil rathſchlags müſt gebē/warn ihn  
nicht eins pfennigs nutz. Was ſaget aber David am  
36. pſal. Ich bin geweſt juncck/vñ alt worden/hab nicht  
geſehen die kind des gerechten geen nach dem brot. Ich  
bit euch/vertraut got/er wirt vns nicht verlaſſen/dann  
er hat alle vnſerr har in acht/vñ gezelt/als Mathe. 10.  
Ich habe lang gehort/wie euer Decretaliſcher prediger  
zu vnſer frauen hat geſchryben/kezer/kezer/wiewol es  
ſchlecht latein iſt/ēands ſelbs wol/bin doch auff keyner  
hohen ſchul geweſt. Aber zu probiern/bedarffs mer/ Ich  
hab ymer im ſynn gehabt ihm zuſchreiben/mir die keze-  
riſchen articel anzuzeigen/die d getrew erbeiter des  
Euangeliums Mar. Lutter gelert hab/Jedoch mein  
gaift ernidertrückt/vñ mit ſchwormütigkeit vnderlaſ-  
ſen/vñ ſach dz Paul⁹ ſagt 1. Thimot. 2. Die weiber ſollen  
ſchweigen vnd nicht reden in d Kirchen. Nun ich aber in  
dyſer art kein man ſehe der reden wil/noch darff/dringe



mich der spruch / Wer mich bekent / wie ob angezeyget /  
Vñ nim für mich Aſai. am 3. Ich ſchick in kind zu Für-  
ſten / vñ weiber / oder weiblich weren ſie beherſchē. Vnd  
Aſa. am 29. Die irrenden wern wiſſen die vernunfft im  
gaiſt / vñ die mürmler lernen dz geſetz / vñ Ezech. am 20  
Ich hieb auff mein hand wider ſie / dz ich ſie zerſtreuet /  
Sie theten nicht mein vtheil / vñ verwurffen mein gebot  
vñ ire augen waren nach den abgöttern ihrer veter / Dar-  
umb gab ich ihñ gebot / vñ nicht gütte / vñ vtheyl in den  
ſie nicht leben / Vñ psal. 8. Du haſt volbracht dz lob auß  
dem müd der kind / vñ der ſaugendē / von wegen deiner  
feind / Vñ Luce am 10. Jeſus erſieut ſich im gayſt / vnd  
ſagt / Vater ich ſag dir danck / dz du dieſe ding haſt ver-  
ſorgen vor den weyſen / vñ die geoffenbart den Kleinen /  
Hiere. am 3. Sie weren gott alle erkēnen / von irem we-  
nigſten bis zu dem maiften. Johā. am 6. Vñ Aſaie. am  
54. Sie weren all vō gott gelernt / Pau. 1 Corin. am 12  
Niemand mag ſprechen Jeſus / on den gaiſt gottes / Wie  
auch der Herz Math. 16. zu der bekentnis Petri ſaget /  
Fleiſch vnd plut hatt dirs nicht geoffenbart / aber mein  
hymeliſcher vater. Höret ir dz vns den verſtād / got vñ  
kein menſch kann gebenn. Als auch Paulus 1. Corint.  
am 2. Euer glawbe ſoll nicht ſeyn inn der weiſheyt der  
menſchenn ic. Ihr werdt vnns mit euren Beſtlichen  
geſezenn lang nicht dar zu dringenn Wir habenn ge-  
nug anzaigung der ſchrift / dz ſie nicht an gottes beuelh  
macht habenn gehabt / geſetz zumachen. Als Hiere. 23.  
Wo es aber inn der Bibel / welches buch allenn beuelh  
Gottes inhalt / gegrundt iſt / wollenn wirs gern / vnd  
ſolich annemē. Wo aber nicht / gilt es vns eben nichts /  
dann ſouill ( als ich darann meyneschwachenn vnuer-  
ſtendigenn bruders ſchonnenn muſ / ſo lang / biß ehe  
auch vnderwiſennwirt / Dann Gott ſagt Deuterōmie.  
am 4. Du ſoltt nichtes zu meynem wortt thun / noch

daus nennen Vnd Proverbioꝝ am 30. Nichts zuleg zu  
den wortē gottes/dz du nicht werdest gestraffet/vñ ge-  
funden ein lägner/vñ gleych daur stet./Das wort gots  
ist ein feuriger schilt/allē die sich vtroste oð versehen inn  
iu. Isa e vñ Hierēie/das wort gots das ich euch sage/  
vorkundt inen auß meynē mund 2c: Wie werden die ge-  
satzmacher/vnd ire Stathalter besteen/die gesatz aus  
iren eygen kōpffen/vnd nicht aus dem rath vñnd wort  
gottes gemacht habenn. Ich meynn der Herz treffe sie  
Mathei am 15. O ir heuchler/ir habt zu nicht gemacht  
das gebot gottes/vonwegenn ewerer auffetz/vnd heyst  
es vorgeblich geerth/so man in ehrt mit gebot der mens-  
schen. Vñ Luce am 11. Wee euch gesatz weysen/ir b. nde  
schwere burden den menschem/die sie nicht tragen mo-  
gen/vñ ir berurt sie nicht mit ein finger/vñ darnach am  
selben Capitel. Wee euch gesatz weysen/ir gehet nicht  
hinneyn/vñ die da wollten eingeen/werent ir auch einzu-  
gehen/ir die ir habt den schlüssel der kunst/vñ beschliß  
das reich d̄ hymel 2c. Hör den herin Mat. am 24. So  
der böß knecht wirdt anfaben seinē gesellenn zuschlaen/  
wölle er kōmen zu der stundt die er nicht waist/ihn von  
eynander scheiden/vñ sein teill setzen mit dē gleissnern/  
da wirt nichtz sein/dañ heulen vñ zangklaffen/darvor  
vns got alle behuet. Mich erbarmen vnsie Fürsten/das  
ih̄ sie so yemerlich verführet vnd betriegt/Dañ ich waiss  
wol/dz sie der gotlichen schrifft nicht wol bericht seind/  
Hetten sie aber die zeit vor andern geschefften/acht ich  
sie wurden auch die warheit erfahren/dz nymāt über das  
wort gottes zugebieten hat/Ja kein mensch/sey weer er  
woll/darinnenzuregiren. Aber dz wort gottes/on wel-  
ches nichtz gemacht ist/allein es sol vnd muß regieren.  
Wañ man den glauben gebietē kōndt/warūb hatt mā  
dan̄ nicht allē vnglaubigen lengst mandat geschickt/zu  
glaubn̄ macht aber dz solchs das wort gotes muß ler-

7  
nen/nicht fleisch vñ plüt. Ir werd nicht einen solchenn  
rhm/mit Arfacius sehofer auff hebē/müzt in hoch auff  
in seinem furgeschribē vñ genötten ayd/heist in ain mai  
ster der sieben freyen k̄n̄st/Aber ains habt ir vergessen/  
dz er ist bey achtzehē jaren/vñ noch ein kind/an d̄ werns  
nicht v̄gessen/So mir das auß andern Steten ist zu ge  
schickt in solcher kurzer zeit/werdt yr warlich d̄ ganzē  
welt woll bekant/Wie habē doch vnser Fürsten dz vmb  
euch beschuldt/Ist es darüb beschehen/dz sie oft einen  
armen reich gemacht habē vnder euch/wes zeycht ir sie  
doch/dz ir sie/vñ diese ire lobliche gestiffte Vniuersitet/  
also zu nachred der ganzen welt machent? Ach d̄ gro  
ßen vntrew/die ir in vmb empfangne gutthat erzeygt/  
Vnd bilich darfur danckbar werdt/wes vndersteet ihr  
euch. Dan̄ warlich werdē sie der warheit vñ böß giftigs  
neyds von euch in kurz gewar/got wirt ihn den rechten  
verstand geben/bitt ich hertzlich/welchs ich euch schül  
dig zu thun bin. Dan̄ sie ihr Herren meines vaterlandes  
sein/auch ich bey iren Herren vatern/vñ frawen muttern  
meinē gnedigē Herrn vñ frawen/erzogē/ain zeytläg ih  
zucht/auch gotliche forcht gelernt/gott sey ihr belonūg  
hie in zeit/vñ dort in ewigk̄eit. Mich erbarmēs/das sie  
niemandes getreūs habē/der sie d̄ warheit berichtet/Vnd  
ich wol merckē kan/dz ir pfenning/so man teglich vō in  
abreyt/vil mer dan̄ sie gelibt werdē/Ich bin willens in  
solchs zuschreyben/dan̄ sie vor andern geschefften nicht  
über dem lesen sitzen mögē. Wiewol ye das wort Gotes  
das nottigst wer/als der herz Luce am 10. saget das sey  
d̄ pest tail/zuhoren dz wort gotes/Vñ w̄z sagt er meher  
Luce. 9. Ob d̄ mensch alle dyse welt gewünne/vlür die  
seel/warmit wolt er sie wider erlösen? Aber sie verlassen  
sich auff euch/als die schrifft weysen/habē euch darumb  
daher gesetzt/Vñ ihr habt vmb solches nicht ein wenig  
auffzuheben/von irer armen leuten grundt vñ boden.

B

Es ist dyse Vinerſitet ſo loblich von iren elltern geſtiffet/  
vñ noch nicht mit wenig coſtung erhaltenn. Halt auch  
warlich vñ genzlich/ſo ſie der warheyt bericht/ſie wur-  
den nicht alzeyt alſo nach euerm begern handeln/als ſie  
dan̄ ytz mit Schofer gethan haben/vñ nicht vergunſt  
geben den zuermorden/als dan̄ in ſeinem ayd angezay-  
get iſt/Got ſey ewig ir belonūg. Ich hoffes werde beſ-  
ſer/Wer weiſts/aus was vſachē ſie ihn daher verordēt/  
Sez kein zweiffel darein/Got hab Arfaciū/oder werdt  
in noch anſehē/mit den augē ſeiner barmherzigkēyt/als  
Petri/der des Herri zu dreyen malen verlaugnet/Dan̄  
der gerecht feldt ſiben mal im tag/vñ ſtehet wider auff.  
Got wil nicht den tod des ſunders/aber dz er ſich beker/  
vñ leb/Chriſt⁹ der herri forcht ſelbs den tod/vñ als ſeer/  
dz er bluttigē ſchweis ſchwitzet/Ich hoff ein gots will  
noch viel gutz auß diſem jūngeling zukūmen. Wie Pe-  
trus auch darnach vil gutz gewirkt hat/als er des her-  
ren ſchon verlaugnet hett/Welcher dennoch noch frey  
was/vñ nicht als lāg gekerckert/nach mit treūung des  
feurs darzu gedriigen/als dieſer. Es iſt leicht gedispu-  
tet/ſo man nicht ſchriſt/ſon̄ gewalt braucht/Inn ſol-  
cher diſputatz ſihe ich nicht anderſt/dan̄ dz der henger  
der gelertſt iſt. Woll hatt aber der Tenfell ſo eine feyne  
faſtnacht mit angericht/Got wirts nicht lang von euch  
leiden. Paul. 2. Cor. am 11.. ſaget der Teuffel verwan-  
del ſich in einen engel des liechts/Darūb ſey nicht wun-  
der/dz ſich die falſchenn in die Apoſtel Chriſti/verwan-  
deln. Vñ Mat. am 10. Es muſſen zwitracht ſein/⁹ ſun-  
widern vatter/die tochter wider die mutter/brant wid̄  
die ſchwiger/vñ das haußgeſynd des menschen werden  
ſeine veind. Vñ Johā. am 16. Es wirt kōmen die zeyt/  
ſo ſie euch werdenn totten werdenn ſie mainen/ſie thun  
gott einen dienſt daran/Dan̄ ſie kēnen wyder den vater  
noch mich. Vnd Paulus am .1. Cor. 11. Es muſſen zwey

7  
tracht sein/auff dz die bewerten werden offenbar. Auch  
am .2. Cor. 4. Ist das Euāgelii bedeckt/so ist es in den  
die verderben ic. Wie halt ihz dz Keyserlich mandat so  
sein/das yzo auß ist gangē/den sechste tag Marcij/das  
rinn so klar anzeyget ist/dz man die Euāgelia predigen  
soll/wie sie gott geboten hat/Vnd die lerer/so vonn der  
Christlichen kirchē approbiert. Setzt aber nicht vō der  
Römischen kirchen/von welcher Römische kirchen ich  
kein wort in d. Bibel finde/wolt gern das ir mirs zay  
get/was gott von der Römischen kirchen gesaget hett.  
Ich hab in den Historien der heyligē gelesen/das sie am  
meisten von derselbigē versamlūg gemartert seindt wor  
den. Sind wenig gusz daruō/got wölle es bessern. Schem  
met ir euch nicht/dz er alle schrifft Martini hat vlang  
nen müssen. Nun hat er doch dz neue Testamēt schlecht  
nach dem text verdeutschet. Derhalb ist damit dz heylig  
Euāgelii/vñ die Epistel/vñ geschicht d. Apostel. ic. bey  
euch ketzerey gescholtē. Also ist nicht mit euch zu dispu  
tirn. Auch die funff vucher Mosy/die dan auch im druck  
sind/gilt das nichts? so ist mit einem Judē besser/vnd  
ehe zu disputiern. Ich hör nicht dz ihm mit schrifft von  
euer kainē/kein artickel vmb sey gestossen. Das hör ich  
wol/dz ein gelehrter Jurist zu im sey treten/gesagt. Was  
rumb er wain? ob er noch ein ketzer sey? Aber Jurist  
rey dienet daher gar nicht. Ich hette gemeint/ihz hett  
nach lautt des Keyserliche mandates euer schulgezenc  
wol ruen lassen bis auff berufftes zu ünffrigs Conciliū/  
welches alhie auff offner Cāzel gelesen ist worden. Ur  
sach weys ich nicht/seind alhie nicht seer mit Luthern  
angefochten. Fragē wenig darnach vnser geystlichen/  
Punthen etlich den psalter lesenn/wer gleich gut. Wie  
woll ichs sunst nicht kan erfarenn/an keynem endt vera  
kündt sein wordenn/Auch in andern Landenn nicht.  
Sollenn sich billich die zu Dietfurt erfeuen/das sie für

B ij

die trefflichstē in dyser grossen sach/dz den glauben  
vñ ewiges heil antrifft/gesehen werden. Hett gemaint  
es were von den Hohenschulen verkündt wordē. Sün-  
derlichenn euch in dysem Bistumb vñ land/musten nur  
gedencken/ob sie gar zu hoch wer/das sie kein Christ er-  
schreyen könt. Ich bit euch vmb gotz willen/vñ ermane  
euch durch das vrtēyl vñ bey der gerechtigkeit gottes/  
wollen mir schriftlichen anzeygē die Artickel/so ir kete-  
risch haist/die Martinus oder Melancton geschribenn  
haben. Ich befinde ye keinen in Teutschē der mir kete-  
risch ist in meinē gaist. Ist doch warlich vill in Teutschē  
zungē auß gangē/habs gelesen. Mir hatt sie Spalatin  
alle in tittel v̄zeichnet geschickt/habe mich ye der war-  
heyt erfahren wollen/Wiewol ich yzt lang nichts geles-  
en hab/brauch mich der Bibell/als auch all sein arbeyt  
dermassen gewest/das man die soll lesenn/Welche mir  
mein lieber herz vater so hoch beualh zulesen/vñ gab mir  
die selbig da ich zehen jar alt was/habe ihm aber leyder  
nicht gefolgt/auf v̄fürung der geystlichē genāten/sün-  
derlich obseruātzler sagtē/ich verfürte mich. Ach wie fein  
lernet vñ gibt aber d̄ gaist gottes dē v̄stand/vñ spacirt  
von eynem in dz ander/got sey lob/das ich dz recht war-  
lich scheinen sich. Ich wil mein eyniges pfundt nicht  
vergrabē/der herz verleich mir gnad. Das Euangelium  
sagt Christ⁹ Luce am .7. wirt den armen gepredigt/vñ  
selig ist der/d̄ nicht geergert wirt in mir. 2c. wie Paulus  
am .1. Cor. am .9. Ich predig on zier dz Euāgelii/auff  
dz ich meinē gewalt nicht mißbrauch. Ich sag euch war-  
lich das lycht dz leucht yzt wider in d̄ welt. Psal. 118.  
Die eroffnung deyner wort erleuchtē/vnd geben die vera-  
stentnus denn klainē. Psal. 36. Bey dir ist der brun des  
lebens/vnd in deinem lycht weren wir sehen dz lycht.  
Johā. am .2. Gott wolt kein gezeugnis vom menschē/  
dann er west was in menschē ward. Johan. am. 16. Der

Geist wirt mich erklären. Johan. am 14. Ich bin der  
weg die warheyt vnd das lebē. Niemand kumpt zum vater/  
dann durch mich. Vnd Johan. am .9. sagt der herz.  
Ich bin kommen zu eynem vitayl dieser welt/dz die da  
nicht sehen/würdent gesehent/vñ die gesehendē plindt  
gemacht/sagten die Phariseyer. Seindt wir dann auch  
plindt? Antwortt ihn der herz/so ir plindt werdt/het irs  
nicht sund/so ir aber sagt/wir verstehens/so bleibt euer  
sund. Vnd Johan. am 8. wer in meinem wort verhart/  
ist mein junger/vñ am selben Capitel. Wer auß got ist/  
d̄ hört dz wort gottes/darß hört ihr es nicht/ir seyt  
nicht auß got 2c. Vñ Johan. am .10. Meine scheffleyn  
kēnē meine stim/aber eynes frembdē kēnē sie nicht/volgē  
im auch nicht nach/Mat. am .24. Hymel vñ erd werdē  
vergehn/Aber meine wort werdē nicht vergehen/ Vnd  
Isaie am .40: Das wort gottes bleybet ewigklich. Aber  
solche zusagūg sind ich nicht vom menschen/od̄ Bepstē/  
gesezen/oder worten. Am .2. Cor. am .1. Das wort got  
tes in seiner verhaischung ist ya/on alles nain. Auß dies  
sem wort ist himel vñ erd/vñ alles dz darin ist/gemacht  
vñ on ihn ist nichtz gemacht. Johan. am .1. Vñ gott wz  
das wortt/durch das sinndt die totten erquickt/die  
sunder bekertt/plindenn gesehend/lamen gerad/stumm  
menn redennt wordenn. 2c. Das ist ein schatzkammer  
des hailes. Aber nicht ein grub der pfenning/wie das  
Decretal. Durch das ist vnns verheissenn das lebenn.  
Matthei. am .4. vnd Johannes am .6. Ich ruess mit  
dem Propheten Hieremia am .22. Erd erd erd/hör das  
wortt des herren. Ich bitt euch vñd begere atwort/  
ob ihr vermaynt das ich irret/des ich yhe nicht wais.  
Dann Iheronimus hatt sich nicht geschembt/vñd  
zu den weibern geschrieben gar vill/allz zu Plessilla/  
Paula/Eustochia 2c. Jha Christus sellbes hatt sich  
nicht geschembt/sund geprediget Marie Magdalene/  
B ij

dem freulein bey dem brunne/welcher allein vnser aller  
maister ist. Ich scheuch mich nicht fur euch zukommen/  
euch zu horen/auch mit euch zuredē. Dañ ich kan auch  
mit deutsch fragē/antwort horen vñ lesen auß d̄ genad  
gots. So hot man wol bibeln die deutsch sein/die Mar  
tin⁹ nicht v̄deutsch hat/hab ich selbs eine/die vor einū  
virzig iarn gedrukt ist/da doch Luthers nie gedacht ist  
gewest. Het mirs gott nicht also vorordnet/möcht ich  
auch wie etlich thun/geschriben haben/sagen er v̄kers/  
Gt hat es nicht gewolt. Wiewol ich keinen nie gelesen  
hab/d̄ ihm gerecht zuerdeutschē gleychet/der herz sey  
sein lon hie in tzeit vñ dort in ewigkeit/d̄ solchs in ihm  
wirckt. Vñ ob es gleich dorzu kein davor got sey/dz Lu  
ther widerruffet/sol es mir nichts zuschaffen geben. Ich  
baw nicht auff sein/mein/oder keines mensche v̄stand/  
sund auff den waren felsen. Christum selbst/welchen die  
Bawmeister habē v̄worffen/aber er ist gemacht zu einē  
eckstein/vñ heupt des winkels/als Paul⁹ 1 Cor. 3. Es  
k̄a kei and̄ grūd gelegt werdē/den̄ gelegt ist dz ist Chri  
st⁹. Wolt got ich solt i. kegēwertkeit vnser dreyer Furstē  
vñ ganzen gemain mit euch reden. Ich beger v̄ d̄ ied̄mā  
gelernt zuwerden. Philosophia die sol nichts/als Paul⁹  
zunn Collo. am 2 sagt. Huert euch vor d̄ philosophia/vñ  
hochredē der welt weysen mensche. Aber wz sagt er mer  
am 1. zunn Cor. 1. Got hot zu thoret gemacht die weys  
heit d̄ mensche/am 1. Cor 3. Alle weysheit d̄ welt ist ein  
thorheit bey got. Juristerey schad mir nicht/den̄ sie gar  
nicht daher dient/gotliche theologie spur ich nicht. Da  
rūb ich mir nicht fürcht/so ir anderst schriftlich vñ nicht  
gewaldiglich mit gefengnis oder dem feu vnder weysen  
wolt. Johelis am 2. Kert wid̄/kert wid̄ zu dem hern/  
dann er ist gützig vñ barmherzig. Der herz beklagt sich  
durch Jere. am 2. Sie habenn mich gelassen einen brū  
nen der lebendigen wasser/vnd haben ihn gegrabenn



verwuste cistern / die da nicht möchtē behalten das wasser. Ich sprich mit Paulo am 1. zum Cor. am 2. Ich scheeme mich nicht des Euangeliums / welchs die krafft gots ist / die do selig macht die doran glauben. Der herz saget Mat. am 10. So ihz werdt surgefördert nicht sorgt was ihz werdt reden / ihz seyt nicht die da redent / in der selbē stund wirt euch gegeben / was ihz solt reden. Vnd der geyst ewers vaters redt durch euch. Ich k̄ kein latein / aber ihz k̄nndt deutsch / inn dieser zunge geborn vnd erzogen. Ich hab ewch nicht weybs rediget geschriben / sun d̄ dz wort gotes / als ein glied d̄ Chistliche kirchen / vor welcher die pforten d̄ hellē nicht besteē mögē. aber vor d̄ Römische besteē sie wol Beseht nur die selbe kirch / wie sie vor den pfortē d̄ hellen besteē werde / got geb vns sein gnad dz wir all selig werdē vñ regirs nach seinē gefallen / nun walt sein gnad Amē.

Datum Dietfurt / Sontages nach erhebun-  
genn Creuzs Anno dñi 1524 Tausent. 4.  
Im Dreyunzwenzigisten jar.

Den Erwirb-  
Hochgel-  
vñ

in carnis et sanguine  
et quod in Coelum et

Faint, illegible text, likely bleed-through from the reverse side of the page.



AB: 153621


ULB Halle 3  
003 897 931



Sb,

Reino ✓







Farbkarte #13

B.I.G.

76



Wie eyn Christliche  
fraw des adels

in Beiern durch ihren/in Got-  
licher schrifft/wolgegrundten  
Sendtbrieffe/die hohenschull  
zu Ingoldstat/omb das sie  
einen Euangelischen Jüng-  
ling/zu widersprechung  
des wort gotes/be-  
trange haben/  
strasset.

M. D. xxij.